

曹王明嗣紀王證公主十八高密公主駙馬都尉工部尚書紀國公段編合葬

長廣公主駙馬都尉楊師道合葬長沙公主駙馬都尉豆盧懷讓合葬衡陽公

主駙馬都尉阿史那社尒襄城公主駙馬都尉蕭銳合葬南平公主駙馬都尉

元懿合葬駙馬都尉劉遂安公主大禮合葬駙馬都尉王長樂公主長孫冲合葬

葬豫章公主駙馬都尉唐義誠合葬普安公主駙馬都尉仁表合葬臨川公

主駙馬都尉周道務合葬清河公主駙馬都尉懷亮合葬蘭陵公主駙馬都尉

葬駙馬都尉周道務合葬晉安公主駙馬都尉安合葬安康公主駙馬都尉孤謙合葬新與

公駙馬都尉孫職合葬長城陽公主駙馬都尉薛理合葬新城公主駙馬都尉

葬駙馬都尉孫職合葬諸臣一百三十七宋國公蕭瑀觀國公楊恭仁申國

公高士廉梁國公房喬趙國公長孫無忌萊國公杜如晦

衛國公李靖鄭國公魏徵虞國公溫彥博江陵縣子岑文

本英國公李勣高唐縣公馬周高陽郡公許敬宗固安縣

公崔敦禮鄂國公尉遲恭胡國公秦瓊袁國公段志元夔

國公劉宏基薛國公長孫順德盧國公程知節永興公虞

世南莒國公唐儉東萊郡公公孫武達漢東郡公李孟嘗

河南縣公元仲文天水郡公邱行恭邠國公姜確虢國公

張士貴子簡孫柔遠丹陽郡公李客師潞國公薛萬均武陽縣

公李大亮大安縣公閻立德范陽郡公張延師芮國公豆

盧寬平原郡公長孫敬寶國公史大奈畢國公阿史那社

尒涼國公契苾何力薛國公阿史那忠汾陰縣公薛收陽

翟縣侯褚亮豐城縣男姚思廉曲阜縣子孔穎達新野縣

公張後允冠軍大將軍許洛仁已上見新舊唐書傳剡國公張公謹

西梁府志卷六十五 三

芮國公豆盧承業周國公鄭仁泰雁門公梁建方原州都

督李正朝輔國大將軍史奕左監門衛大將軍賀拔儼嘉

國公周仁護輔國大將軍阿史那德昌驃騎將軍乙速孤

晟大將軍可汗阿史那步真金吾衛大將軍梁敏吏部尚

書馬載戶部尚書房仁裕殿中監唐素會光祿卿姜遐司

衛卿尉遲寶琳尉遲寶琪已上見京兆金石錄魏州刺史王濤金州

刺史豆盧貞松寧州刺史賈義節衛州刺史蕭業乙速孤

行儼乙速孤昭祐太宗尚服宗道內侍張阿難江夏王道

宗禮部侍郎孔志約工部侍郎孔元惠吏部侍郎姜晦太

常卿姜皎衛尉卿魏叔玉秘書監岑景倩宗正卿李芝芳

光祿卿房光義原州別駕房暉咸陽縣丞房曜衛尉卿房

光敏閩州刺史房誕贈鴻臚卿實庭蘭洪州刺史吳黑闥

晉州刺史裴藝寧州刺史實義節吏部郎史馬觀原州都

督李正明臨淮公李規西平郡王李琛簡州刺史李震大

將軍薛咄摩大將軍蘇泥熟大將軍阿史阿道真大將軍

賀蘭整雍州長史岑方倩按宰相世系表受備文大將軍

張世師德泉志作張大師按宰相世系表張後允子大將

軍瑯琊王駢太將軍懷德公子伯億按禮泉志大將軍李

森大將軍公孫雅靖瑯琊公王珍常州公李倩千金公李

俊中山王李据汝州別駕房漸左清道率房恆雍州長史

李弼原州都督史幼虔陝王府司馬史為謙將軍斛斯正

貴將軍徐定成將軍康野將軍元思元將軍李承祖將軍

西梁府志卷六十五 四

薛承慶右衛郎將軍尉遲昱左衛郎將軍姜昕中郎將殷

承爽右監門將軍執失善左金吾將軍房先忠橫野軍都

督拔野鐵都督渾大寧于闐王尉遲光將軍仇懷古按體

遠將軍杜君綽將軍麻仁靖將軍何道將軍楊思訓左

衛大將軍李思摩薩寶仁贊普新羅王眞德已上見文

甘資政錄乾隆乙未年修杜甫行次昭陵詩舊俗城廟主

虎狼都天屬尊堯典神功協禹謨風雲隨絕足日月繼高

術文物多師古朝廷半老儒直詞寧戮辱賢路不崎嶇往

者炎猶降蒼生喘未蘇指麾安率土蕩滌撫洪爐止上悲

陵邑陶人拜鼎湖玉衣晨白舉鐵馬汗常趨又重經昭陵

詩草味英雄起謳歌歷教歸風塵三尺劍社稷一戎衣翼

亮貞文德不承武威聖圖天廣大宗祀日光輝陵寢盤

空曲熊羆守翠微再窺

松栢路還有五雲飛

按昭陵石蹟考九嶷在涇陽王橋鎮西地脈從崆峒來

渭遠其前涇環其後而出其東岐梁西峙仲山嵯峩東

障南則終南太乙天外列屏封內周迴百二十里陪葬

諸王妃主勳舊番將東西班列碁布有序他如諸番君

長擒伏歸降者咸刻石肖其狀貌深眼大鼻弓刀雜佩

凡十四人拱立於享廟之前北闕之下石駿如生壯哉

誠異觀也乙未季春中丞畢公以護送川師入蜀廻塗

道經醴泉時余偕行左右得以周覽封城瞻拜元宮及

陪葬諸冢墓所稱丞相塚者魏文貞墓也英衛二公詔

左右列亦不盡然公主妃嬪大半在昭陵東南山上俗

曰亂冢坪又曰姑諸王景叔圖內不載無考其他功臣

密戚俱在山下平地去陵遠者十餘里至數十里當日

陵內封地周迴百二十里墳冢故爾相去廣遠陵墓志

謂百餘人一山者臆說也當時百六十餘冢皆有穹碑

夾以蒼松翠栢長楊巨槐下宮寢殿與表裏山河互相

映帶慨自朱梁溫韜盜掘後再歷于載高臺已傾曲池

已平樞衣駐馬環眺諸堊有屹若崇山如英衛二公冢

者有巉削如懸崖絕壁者有頂平如磐石者有下方上

銳漸削如浮圖者其他如臺如壘或僅廢券墻或僅存

石獸或已蝕爲田隴牛羊踐踏其間盡一日之力瞻望

不暇歸後檢閱史傳及諸家志乘圖籍所載互有不同

唐書所錄僅七十四人通考百五十五人苟好善醴泉

志本於游景叔圖一百六十四人其他載籍惟徐氏讀

禮通考所載一百六十六人較爲詳審今從之惟是歷

千五百餘年金石難壽博加鏤蒼僅得二十六碑文復

大半剝蝕詳見金石卷內而圖籍所傳魯魚亥豕不可究詰今

考醴泉志有而讀禮通考所無者公主三墓晉陽汝南

常山也妃嬪四墓賢妃徐氏彭城夫人鄭國夫人竇卿

妹也丞郎三品以下十二墓圖立本蕭守業孔志亮邴

邴王冲姜簡薛頤長孫璿盧赤松杜正劉洪眞安康伯西

平王安也功臣大將軍以下十四墓梁仁裕段存爽康

平魯何道薛仁貴王波利盧承基王愔申進連李承祖
薛出芝龔善仇務薦阿史那什鉢苾也至唐書有而縣
志無者二人長孫順德阿史阿社余也京兆金石錄有
而縣志無者三人張公謹李正朝一作尉遲寶琪也通
考有而縣志無者十六人乙速孤晟乙速孤行儼乙速
孤昭祐李宗道賈義節姜皎姜昕房暉房曜薛咄摩岑
曼倩執失善麻仁靖王珍薩寶王贊普新羅王眞德也
至縣志所有晉陽汝南常山三公主早夭或唐書失載
其名姓設于疑似者八人闔立本疑卽闔立德蕭守業
疑卽蕭業孔志亮疑卽孔志約琅邪王冲疑卽琅邪王
駢梁仁裕疑卽房仁裕段存爽疑卽殷承爽康平疑卽

西華府志卷六十五

七

康野魯何道疑卽何道若薛仁貴本傳護喪還鄉里墓
碑今在安邑並未陪葬又王濤集古錄目濤字波利越
雋邛都人官至魏州刺史則波利卽王濤也又盧承基
考宰相世家表有豆盧承業寬之子承基當卽其人疑
子孫避明皇諱改也此皆志乘之誤所當更正者其餘
諸臣未知所據當兩存之以俟考至讀禮通考中亦有
可疑者如阿史那社余已載借衡陽王公主合葬不應
複載新羅王眞德之亡史但言遣使至其國弔祭不聞
其陪葬也至諸書皆無而應補入者唐李適之傳適之
爲其祖恆山愍王承乾父越州都督象求陪葬昭陵詔
可又紀王慎爲則天所謫道死巴州神龍初廣求宗室

還葬慎子七人琮獻秀獻欽俱爲武后所殺琮與獻則
同死桂林開元四年琮子行休始迎三喪歸陪葬昭陵
則昭陵當有琮獻二墓又近日新出土有紀國先妃陸
氏及監門將軍王君墓碑皆當補入者夫周畿漢甸遠
在西陲南人卒難踵至而故籍所傳如王方慶九峻山
志園陵記范文光昭陵志昭陵附輿圖全書皆不可得
見僅於荒榛斷莽中剩有殘碑斷碣與三峯八水流峙
人間余以閒廢之身冗寄斯土竟能親陟崇岡緬想貞
觀一代君臣際會之隆生死同歸之誼俯仰憑弔三致
意焉可不謂厚幸歟

西華府志卷六十五

八

肅宗建陵舊唐書肅宗紀寶應元年四月乙丑上崩于長
生殿二年三月庚午葬建陵后妃傳章敬皇后吳氏生代
宗薨郭子儀等表上尊謚章敬皇后祔葬建陵長安志下
宮去陵五里陪葬功臣一尙父汾陽郡王郭子儀陝甘資
政錄陵在今縣北三十里武將山乾隆乙未年修
按常哀李汧公墓志公諱懷讓成紀人封汧國公廣德
元年九月薨于華州軍府卽以其年十月陪葬建陵旌
勲臣也新舊唐書及諸志乘俱未載

單雄信墓耀州志在同官故縣村開福寺側一里

按唐書本傳雄信曹州濟陰人東都平斬洛洛同官非
本籍又非洛師近地曷爲西葬關中耶州志蓋誤

柳公綽墓馮志在耀州西北四十里其弟公權墓亦在焉

陝甘資政錄地今名柳家原乾隆乙未修已下

按關中陵墓志州北四十里柳家原有二墓未言何人

賈志藍田縣志云公權墓在藍田東三里柳莊但諸志

俱云在耀蓋其兄弟友恭成性瑩兆亦當同處今從馮

志而于藍田不復載焉

令狐德棻墓陝甘資政錄在州北三里法巷口乾隆乙未

年修

令狐楚令狐綯墓馬志在州西北五里楚本州人唐憲宗

時為相卒葬於此綯楚之子唐令狐楚傳楚疾甚勅諸子

曰吾生無益於時無請謚勿求鼓吹以布車一乘葬銘誌

無擇高位是夕有大星貫寢上其光燭庭

西華府志卷六十五

九

宋

陳漢卿墓歐陽修陳公墓志故尚書比部員外郎陳公卜

以至和二年葬于京兆萬年縣洪固鄉神禾原已下

種世衡墓范仲淹種公墓志世衡國之勞臣慶歷五年正

月七日啓手足神志不亂其子卜葬京兆萬年縣之神禾

原

楊礪墓陝甘資政錄在縣東二十里龐光村乾隆乙未年

修已下

焦贊墓通志在縣東南三十里焦村

呂通墓縣志在縣北五里宋呂贊先汲郡人任比部郎中

父通太常博士贊過藍田愛其山川風景遂葬通藍田因

家焉生大忠大防大鈞大臨舊有墓十五明成化十九年

知縣劉震封樹萬歷三十一年知縣王邦才勘復侵地共

得三十六畝四界石存范青呂大鈞墓表元封五年六月

呂君和叔卒九月從葬驪山之趾先大夫墓明戴珊新建

呂氏祠記縣北五里許號呂氏莊芸閣寺北十餘墓偏西

南就平有廢阯鄉人率知為呂氏故物乃檄知縣劉震復

其墓即廢阯作祠堂張士佩重修四獻祠記四獻祠依墓

墓廣二十畝祠廣十有四畝而墳祠之墟祭田寓焉陝甘

資政錄乾隆乙未年修藍田

寇準墓陝甘資政錄在渭南縣東北七十里棠村乾隆乙

未年修渭南

西華府志卷六十五

十

金

趙瞻墓馮志在縣西南五里石墨鑄華瞻蓋匡人卒葬城

南四里塋地為耕者所侵有碑僅辨數十字蓋匡

楊天德墓縣志在奉政原上許衡楊公墓志公以戊午歲

八月卒于家是年十二月葬于高陵閭閻鄉奉政原之先

塋高陵

蓋諒墓縣志在縣北三十里北吳村已下

李興墓縣志在縣北毛吳村

烏古論速可墓縣志在縣東三十里道賢鎮北

元

蕭軒墓陝甘資政錄在咸寧縣城南三十里上莊村乾隆

乙未年修 咸寧

楊恭懿墓馬志在縣東南三陽寺前馮志子寅附 高陵

程瑞墓賈志在縣東十里 已下 藍田

張節婦墓縣志婦劉氏御史張訥妻也墓在縣東二里白馬坡

趙弼墓馬志在縣西十五里西城原弼封潞國忠簡公子

宣慰惟明葬墓南 已下 涇陽

王斌墓馬志在縣西城原

楊勝墓馬志在縣北石村勝四川宣慰

郝和尚墓王磐郝忠定公神道碑郝公小字和尚北人淳質以小字行中書左丞郝天挺父也河東北路行省以疾

西安府志卷六十五

七

墓至元九年十一月葬三原縣修真鄉長孫里濁谷西原之新阡陝甘資政錄在今縣北二十里樓底原乾隆乙未

年修 已下 三原

張世昌墓賈志世昌官兵部侍郎墓在三原縣仲友村封

涇陽縣子張明德墓亦在焉陝甘資政錄乾隆乙未年修

王寶寶墓陝甘資政錄寶寶歿于國事贈武德將軍蓋厓

子墓在縣西南十里黃甫寨乾隆乙未年修 已下 藍田

四女塚縣志在縣西十五里四女社兩兩相峙

姑嫂貞節塚縣志在縣東南之集賢里失其姓氏塚高廣

擅數畝

王丙墓縣志在縣西北三十里莊里丙官侍郎 已下 富平

劉尚墓賈志在縣西北莊里尚官知府

劉允中墓賈志在縣西魏村允中官知州

張敏墓賈志在美原鎮北敏官郎中

鍾陞墓賈志在縣西北神水鄉崔家堡墓前有石人一虎

三羊二碑存半截有大德四年字 同官

明

姚顯墓縣志在城南吉家村顯官太僕 已下 長安

邵璋墓縣志在城北講武里邵官通判從子芟同死節從

葬

楊鼎墓縣志在城南塔坡莊敏子孝廉時敷六世孫知縣

復亨祔

西安府志卷六十五

三

鄒昊墓縣志在城南第五橋鄒官總憲

何棟墓縣志在縣南十里木塔里何官總制

劉尚文墓縣志武襄墓在城西三橋鎮

馮友墓縣志在木塔里李維禎馮公墓表友官同知

馮從吾墓陝甘資政錄恭定墓在縣西南三十里馮家村

乾隆乙未年修

晉調元墓賈志在長安江村里調元官知縣以守城贈兵

備副使

王鶴墓縣志在木塔里橫岡五爻鶴官府尹

楊烈婦劉氏墓縣志在城南

王烈婦晉氏墓縣志在城西南

朱烈婦晉氏墓縣志在城西北

秦愍王榭墓馮志在鴻固原妃鄧氏王氏祔又隱王尚炳

僖王志塹懷王志均昭王秉機墓俱在左右成寧下

秦康王志塹墓馮志在少陵原子惠三公錫墓祔

秦簡王誠泳墓通志在韋曲原定王惟焯墓祔

秦宣王懷塔墓通志在高望原靖王敬籙敬王宜濬肅王

宜德景王存機墓俱在焉

永興懿簡王尚烈墓通志在高望原保安懷僖王尚煜墓

亦在焉

興平恭靖王尚焞墓馮志在鳳栖原

永壽懷簡王尚烜墓通志在鴻固原

西安府志卷六十五

三

宜川莊靖王志塹墓馮志在城東南三趙里

臨潼惠簡王公銘墓通志在韋曲原賈志後以孫昭王進

襲追封秦王改謚曰安

郃陽惠恭王公鏜墓縣志在韋曲西

汧陽端懿王公鎰墓縣志在珍珠原

邢簡墓縣志在八里村簡官侍郎

張鼎墓縣志在韋曲里鼎官侍郎

雍秦墓縣志在皇子陂馮志泰南京戶部尚書謚端惠陝

甘資政錄乾隆乙未年修

鄒應龍墓陝甘資政錄應龍官鴻臚少卿在縣東南十里

曲江池乾隆乙未年修

劉璣墓縣志在韋曲里璣官尚書

張鸞墓胡汝礪墓縣志俱在慈恩寺左張官侍郎胡官尚

書

管楫墓縣志在珍珠原北楫官巡撫

曹蘭墓縣志在黃渠東陂下蘭官巡撫

劉儲秀墓縣志在龍首原劉官尚書

胡侍墓縣志在慈恩寺左胡官侍郎

潘民墓縣志在潘家莊潘官侍郎

許宗魯墓縣志在曲江東北許官總憲

王用寶墓縣志在曲江西涯王南京吏部尚書加少保祔

其父知府懋側

西安府志卷六十五

五

盧紳墓縣志在城東南紳官尚書

黃展墓賈志在城南金滹沱展官知府

朱敬鑑朱誼泮墓縣志並在延興門兩宗室俱官中尉敬

鑑墓碑題志川先生墓誼泮墓碑題于斗先生墓

呼延恭墓縣志在三兆村官主事

王國禎墓縣志在長樂坡王官總督

崔爾進墓縣志在曲江西爾進官侍郎

張鳳翼墓縣志在北十里舖張官知府

周傳誦墓縣志在城東北周官布政祔父王事宇墓側

文翔鳳墓縣志在曲江東南翔鳳官光祿

熊萬騰墓縣志在慈恩寺北萬騰官知州

曹代之墓縣志在澁水東孝子嶺代之官給事

韓在墓縣志在慈恩寺北在官中書子僉事文鏡附

朱蘊奇墓縣志孝子墓在鴻固原

吳光先墓縣志孝子墓在韋曲里

陳福論墓縣志孝子墓在鳳栖原北

呂震墓馮志在縣東北震永樂時尙書臨澧

武之望墓縣志在武家屯南明崇禎時總督陝西三邊軍

務卒于官

劉懋墓縣志在縣東十里原上懋兵科給事贈光祿寺卿

賜祭葬

任中麟墓縣志在水渠寨提學中鳳墓附

西安府志卷六二五

五

武大烈墓縣志在縣東三里大烈令永寧闖賊陷城罵賊

死姪取扶柩歸葬

墨麟墓縣志在縣南原上麟洪熙元年贈少保謚榮毅已下

高陵

劉傑墓縣志在縣西門外傑官知府

高選墓縣志在縣東三里選官主事

孫昂墓縣志在縣慶豐里坳下村昂官行人

呂柟墓馬理呂文簡公墓志嘉靖辛丑秋卒以甲辰七月

葬公子邑城艮隅渭南公墳左陝甘資政錄在縣東北三

里南屯里乾隆乙未年修

張賢墓縣志在牙道村張官布政已下

王九思墓賈志檢討墓在縣西北二里仁和里六老菴弟

副使九峯附

張宏襟墓縣志在漢陂西張官提學

李誼墓賈志在北門外誼官學錄已下

張廷玉墓賈志在縣東門外齊王廟前廷玉官僉事

封貴墓賈志在縣東三十里貴官御史

史鑑墓賈志在縣東北三十里鑑官給諫

史銳墓賈志在縣南十里馬鞍嶺下銳官都督

張進墓賈志在縣東三十里進官僉事

王珍墓賈志在縣南十里珍官運副

榮華墓縣志侍郎墓在小南門外叅議察通判穎附

西安府志卷六二五

六

李東墓賈志在縣北東官御史

王之士墓賈志在縣東十里之士官博士

魏雲霄墓賈志在縣北五里雲霄官知府

李和墓賈志在縣龍灣東北原上和官尙書已下

李世達墓賈志在縣東南十里大柳村世達謚敏肅

魏學會墓賈志在縣西學會官尙書

姜士珍墓雅勝珍事繼母甚孝獲旌沒葬縣東

胡嘉謨墓縣志在縣東南十里姚方村東北嘉謨官總憲

劉四科墓縣志在縣西北王橋鎮西原下四科官總憲

牛應元墓縣志在縣西延壽宮西南應元官少宰

張問達墓縣志在縣西南十里問達官尙書

王豫立墓縣志在姚方里曹家村西豫立官光祿

韓文煥墓縣志在縣西南十里南馬里文煥官諭德

王恕墓馬志在三原縣西北二里正德四年勅修李東陽

王端毅公碑公葬西園尚書府君墓次贈吏部尚書王彥

成墓在北原贈尚書王惟貞王仲智墓俱在西園成化五

年勅遣進士蔡晟造王承裕墓在端毅公東嘉靖十九年

勅修陝甘資政錄俱乾隆乙未年修記下

馬理墓薛應旂馬光祿墓志嘉靖三十六年十月葬公於

丁村塋雲巖翁之次陝甘資政錄在今縣西北五里乾隆

乙未年修

溫純墓陝甘資政錄在縣北三里馬尾村恭毅子子知日

知自知耐乾隆乙未年修

雒昂墓陝甘資政錄昂贈官侍郎墓在縣北一里乾隆乙

未年修

雒遵墓陝甘資政錄遵官巡撫墓在縣南五里乾隆乙未

年修

党還醇墓陝甘資政錄党官知縣以守城死贈光祿墓在

南門外一里乾隆乙未年修

房建極墓賈志在縣西南八里許孫荃白松行詩序明末

闖逆竊據關右迫脇縉紳三原樞部郎中房公建極走哭

山中絕粒而歿

杜鶴齡墓賈志在縣北二十里顧夢游杜先生墓志順治

丁酉十二月葬於北郭新阡學者私謚曰孝宏先生

趙宏祚墓敦倫編宏祚事母以孝著歿葬縣北

孫逢吉墓陵遺稿逢吉授平利訓導輕財敦義歿葬縣

東二十里祖塋

王徵墓張縉彥王僉事墓志甲申三月李賊入關羅致縉

紳公懼不免手題墓石曰明進士了一道人之墓即死之

孫宏墓通志在縣南三十里尹村東北宏官侍郎記下

南釗墓賈志在縣北秦村釗官參政教諭金墓在村西南

通判學仲知縣憲仲墓俱在北岡

薛敬之墓賈志在縣西南五里敬之官同知

李錦墓賈志在縣東南龍尾坡錦官知州

劉汝靖墓賈志在縣北新市村南汝靖官郎中

鄭宏墓賈志在縣城東南宏官參議

南大吉墓賈志在縣秦村西南大吉官知府

裴紹宗墓陝甘資政錄紹宗官兵科給事中贈光祿少卿

墓在縣南二里韓馬里乾隆乙未年修

張羽墓賈志在縣西北新市里羽官知府

南逢吉墓賈志在縣秦村西南逢吉官副使

劉鳳池墓陝甘資政錄鳳池官兵部主事墓在縣南二十

里田村乾隆乙未年修

薛騰蛟墓縣志在酒水南原騰蛟官副使

賀府墓賈志在縣南坳底村府官參議

王尙禮墓賈志在縣西十里尙禮官主事

孫一正墓賈志在縣西南里陽范村一正官府尹

孟重墓賈志在縣東南豐原麓重官侍郎

南軒墓賈志在縣新市里軒官參議

朱擢墓賈志在縣豐慶里小屯西北

白大用墓侯于魯墓賈璵墓楊光訓墓賈志並在縣瀋西

坊里白官知縣侯官知府賈官通判楊官府丞

張需墓賈志在縣大石鎮需官知縣

秦鄰晉墓賈志在縣西關里鄰晉官副使

郭俊墓賈志進士墓在縣東豐原

姜學文墓縣志在縣閔村里學文官行人

西安府志卷六十五

九

孫瑋墓陝甘資政錄莊毅墓在縣西北六十里民地里乾

隆乙未年修

南師仲墓賈志在縣東北倉渡鎮師仲官尙書

南居益南居業墓陝甘資政錄俱在縣西南一里韓馬里

乾隆乙未年修

史記事墓陝甘資政錄記事官光祿卿墓在縣西北三十

里田市里乾隆乙未年修

劉芳墓陝甘資政錄芳官御史墓在縣東北三十里小石

鎮乾隆乙未年修

邱民仰墓陝甘資政錄民仰明遠撫墓在縣西十五里盈

田坊乾隆乙未年修

張統墓陝甘資政錄統官吏部尙書父敏墓在縣東北六

十里美原鎮又南三里卽統墓乾隆乙未年修已下

楊爵墓陝甘資政錄爵官御史贈光祿少卿謚忠介墓在

縣東北七十里篤祐村乾隆乙未年修

李恕墓賈志在縣流曲堡東李村恕官參議子中丞宗樞

葬墓東

梁甫墓賈志在縣流曲堡北甫官府尹

孫丕揚墓賈志在縣流曲堡北丕揚官尙書謚恭介

朱國棟墓賈志在縣西北國棟官中丞

文清墓賈志在醴泉縣東北清官教諭醴泉

張敬墓賈志處士墓在縣北一里

西安府志卷六十五

三

袁澤墓賈志在縣龍泉里澤官侍郎

苟好善墓賈志在縣東北好善官御史

馮寧墓耀州志在縣東四十里地曰南神鵝寧官僉事已下

官同

雷雨墓賈志在縣東二十里雨官御史

石慶墓賈志在沮西開家坡慶官員外耀州

成敬墓通志在州東落星原賈志翰林子吏科給事凱從

葬有勅修墓碑

楊理墓州志在落星原下馬堰理官知府

張鈞墓賈志在西乳山下鈞官侍郎

張璉墓馮志在州西北十里璉戶部侍郎子訓導蒙著長

史蒙啓從葬

左經墓賈志在州西五里唐家原南一里即僉事之子吏部員外思忠墓

喬仲節墓遠志堂集高祖後院公諱剛生二子長志玉號

高年生仲節以先大夫貴封南京戶部主事生二子長即

先大夫世寧官四川按察使贈通議大夫余家耀州義門

鄉之小邱村故自後院公下迄通議公咸葬村北

王國墓賈志在牛村國謚文肅

本朝

梁孟玉墓賈志在澧水西梁官都督長安

霍達墓縣志在草場坡北霍官尚書已下

張勇墓王宏撰張襄壯侯墓志康熙二十三年卒次年葬

咸寧東南鳳栖原洋縣志康熙四十四年

賜塋坊額曰秦隴眞純聯曰秦山隴水家聲舊眞德純心世澤長

席繡德墓縣志在北村西席官叅政

熊維紆墓縣志在焦邨熊官員外

趙景清墓賈志在三兆村東趙官通判

尙宣墓張文煥提督尙公墓志康熙四十四年告歸里又

五年卒葬鳳栖原新阡

楊烈婦席氏墓賈志在城東南沙坡村

殷化行墓劉涵殷提督墓志康熙五十一年葬於咸陽縣

北靳李村東之新塋已下

蕭光蘭墓趙騰蕭孝子墓表在縣東五十里畢郢原下

陵遺稿光蘭以孝獲旌人號其墓爲孝子墳

王孫蔚墓縣志在關山東南孫蔚官福建布政左遷提學

已下

周燦墓縣志提學墓在縣北三里

梁化鳳墓關內周資錄在鄠縣北牛洞

御賜祭葬鄠縣

朱良翰墓王承祖朱中書墓志順治己亥進士卒葬於邑

東蓮花池側藍田

王承烈墓通志在魯橋鎮西南孟店舊鎮北

御賜祭葬涇陽

李彥功墓王心敬李中書墓志彥功康熙丁卯舉人卒於

癸巳至乙未十一月卜葬於縣北原新塋三原

王襄明墓縣志在豐原河干村城北襄明官御史已下

王承祖墓縣志在縣酒王村西承祖官侍郎

孫一鯤墓賈志在富平西五里一鯤官總兵

御賜祭葬富平

西安府志卷第六十六

藝文志上

班固漢書立藝文志祇載篇目不錄文字至網羅一郡之作彙而存之自米范文穆吳郡志始

國朝陸清獻輯靈壽志采錄邑人撰述取其關於天下之學術政事者所見甚鉅修志家取則焉但其例施諸小邑志乘則當若西安自周秦漢唐以來名篇鉅製即係于一郡一邑之故實利病者已非編幅之所能勝載矧廣而及于天下乎今量為甄輯其題有專屬者分載前卷至概系斯郡斯諸作分上中下凡六卷先賦次詩次文梁昭明太子選例也

賦

論都賦

後漢 杜篤

皇帝以建武十八年二月甲辰升輿洛邑巡於西嶽推天時順斗極排闥闔入函谷觀阨於峭岨圖險於隴蜀其三
月丁酉行至長安經營宮室傷愍舊京即詔京兆迺命扶風齋肅致敬告觀園陵悽然有懷祖之思喟乎以思諸夏之隆遂天旋雲遊造舟於渭北航涇流千乘方轂萬騎駢羅衍陳於岐梁東橫乎大河瘞后土禮邠郊其歲四月反於洛都明年有詔復函谷關作大駕宮六王邸高車廐於長安修理東都城門橋涇渭往繕離觀東臨霸澗西望昆明北登長平規龍首撫未央頤平樂儀建章是時山東

西府志卷第六十六

一

西府志卷第六十六

二

翕然狐疑意聖朝之西都懼關門之反拒也客有為篤言彼培井之演汗固不容夫若舟且浴邑之淳澆曷足以居平萬乘哉咸陽守國利器不可久虛以示姦萌篤未甚然其言也故因為述大漢之崇世據靡州之利而今國家未暇之故以喻客意曰昔在疆秦爰初開畔霸自岐離國富人行卒以并兼桀虐作亂天命有聖託之大漢大漢開基高祖有勲斬白蛇屯黑雲聚五星於東井提干將而呵暴秦蹈滄海跨崑崙奮慧光掃項軍遂濟人難蕩滌於泗沂劉敬建策初都長安太宗承流守之以文躬履節儉側身行仁食不二味衣無異采賑人以農桑率下以約已曼麗之容不悅於目鄭衛之聲不過於耳佞邪之臣不列於朝巧偽之物不鬻於市故能理升平而刑幾措富衍於孝景功傳於後嗣是時孝武因其餘財府帑之蓄始有鈎深圖遠之意探冒頓之罪校平城之讐遂命票騎勤任衛青勇惟鷹揚軍如流星深之匈奴割裂王庭席卷漠北叩勒祁連橫分單于屠裂百蠻燒芻帳繫閼氏燔康居灰珍奇椎鳴鏑釘鹿蠡馳阡岸獲昆彌虜傲振驅騾馭宛馬鞭馭駃拓地萬里威震八荒肇置四郡據守敦煌并域屬國一郡領方立候隅北建護西羌捶驅氏燹寥狼叩祚東據烏桓蹂躪滅貊南鞬鈎町水劍強越殘夷文身海波沫血郡縣日南漂樂朱崖部尉東南兼有黃支連緩耳瑣雕題摧天督牽象犀椎蚌蛤碎瑠璃甲瑇瑁戕觜鱗於是同穴藁

禍之域共川鼻飲之國莫不袒跣稽顙失氣虜伏非夫大漢之盛世藉靡土之饒得御外理內之術孰能致功若斯故創業於高祖嗣傳於孝惠德隆於太宗財衍於孝景威盛於聖武政行於宣元侈極於成哀祚缺於孝平傳世十一歷載二百德衰而復盈道微而復章皆莫能遷於靡州而背於咸陽宮室寢廟山陵相望高顯宏麗可思可榮羨農已來無茲著明夫靡州本帝皇所以育業霸王所以行功戰士角難之場也禹貢所載厥田惟上沃野千里原隰彌望保殖五穀桑麻條暢濱據南山帶以涇渭號曰陸海蠶生萬類楸栲檀栢蔬果成實賦瀆潤於水泉灌溉漸澤成川粳稻陶遂厥土之膏畝價一金田田相如鑄鍊株林

火耕流種功淺得深既有蓄積阨塞四臨西被隴蜀南通

三

漢中北據谷口東阻嶽巖關函守嶢山東道窮置列汗隴靡偃西戎拒守褒斜嶺南不通杜口絕津朔方無從鴻渭之流徑入於河大船萬艘轉漕相過東綜滄海西瀾流沙朔南暨聲諸夏是和城池百尺阨塞要害關梁之險多所矜帶一卒舉礮千夫沉滯一人執戟三軍沮敗地當便利介冑剽悍可與守近利以攻遠士卒易保人不肉袒肇十有二是為賸腴用霸則兼并先據則功殊修文則財衍行武則士要為政則化上募逆則難誅進攻則百克退守則有餘斯固帝王之淵固而守國之利器也逮及亡新時漢之衰偷忍淵固篡器慢違徒以執便莫能卒危假之十八

誅自京師天異更始不能引維慢藏招寇復致赤眉海內雲擾諸夏滅微羣龍並戰未知是非於時聖帝赫然申威荷天人之符兼不世之姿受命於皇上獲助於靈祇立號高邑舉旗四麾首策之臣運籌出奇城怒之旅如虎如螭師之攸向無不靡披蓋夫燔魚剝蛇莫之方斯大呼山東響動流沙要龍淵首鑠鄒命騰太白親發狼弧南禽公孫北背強胡西平隴冀東據洛都乃廓平帝宇濟蒸人於塗炭成兆庶之靈運遂興復乎大漢今天下新定矢石之勤始瘳而主上方以邊垂為憂忿葭萌之不柔未遑於論都而遺思靡州也方躬勞聖思以率海內厲撫名將畧地疆外信威於征伐展武乎荒裔若夫文身鼻飲緩耳之王椎

西夏府志卷六十七

四

結左衽鍊錮之君東南殊俗不羈之國西北絕域難制之隣靡不重譯納貢請為藩臣上猶謙讓而不伐勤意以為獲無用之虜不如安有益之民畧荒裔之地不如保殖五穀之淵遠救于已亡不若近而存存也今國家躬修道德吐惠含仁湛恩沾洽時風顯宣徒垂意於持平守定務在愛育元元苟有便於王政者聖主納焉何則物固抱而不損道無降而不移陽盛則運陰滿則虧故存不忘亡安不諱危雖有仁義猶設城池也容以利器不可久虛而國家亦不忘乎西都何必去洛邑之淳潛與

西都賦

班固

有西都賓問於東都主人曰蓋聞皇漢之初經營也嘗有

意乎都河洛矣輟而弗康寔用西遷作我上都主人聞其
故而觀其制乎主人曰未也願摠懷舊之蓄念發思古之
幽情博我以皇道宏我以漢京賓曰唯唯漢之西都在於
雍州寔曰長安左據函谷二峭之阻表以太華終南之山
右界褒斜隴首之險帶以洪河涇渭之川華實之毛則九
州之上腴焉防禦之阻則天地之輿區焉是故橫被六合
三成帝畿周以龍與秦以虎視及至大漢受命而都之也
仰悟東井之精俯協河圖之靈奉春建策留侯演成天人
合應以發皇明乃卷西顧寔惟作京於是晞秦嶺瞰北阜
挾灃灊據龍首圖皇基於億載度宏規而大起肇自高而
終平世增飾以崇麗歷十二之延祚故窮泰而極侈建金

頁府志卷六十六

五

城而萬雉呀周池而成淵披三條之廣路立十二之通門
內則街衢洞達閭閻且千九市開場貨別隄分人不得顧
車不得旋闕城溢郭旁流百廛紅塵四合烟雲相連於是
既庶且富娛樂無疆都人士女殊異乎五方遊士擬於公
侯列肆侈於姬姜鄉曲豪舉遊俠之雄節慕原嘗名亞春
陵連交合衆騁鷲乎其中若乃觀其四郊浮游近縣則南
望杜霸北眺五陵名都對郭邑居相承英俊之域絃冕所
興冠蓋如雲七相五公與乎州郡之豪傑五都之貨殖三
選七遷充奉陵邑蓋以強幹弱枝隆上都而觀萬國封畿
之內厥土千里連蹊諸夏兼其所有其陽則崇山隱天幽
林穹谷陸海珍藏藍田美玉商洛緣其隈鄂杜濱其足源

泉灌注陂池交屬竹林果園芳草甘木郊野之富號為近
蜀其陰則冠以九嶷陪以甘泉乃有靈宮起乎其中秦漢
之所極觀淵雲之所頌歎於是乎存焉下有鄭白之沃衣
食之源提封五萬疆場綺分溝塍刻鏤原隰龍鱗決渠降
雨荷插成雲五穀垂穎桑麻鋪荼東郊則有通溝大漕潰
渭洞河汎舟山東控引淮湖與海通波西郊則有上囿禁
苑林麓藪澤陂池連乎蜀漢繚以周墻四百餘里離宮別
館三十六所神池靈沼往往而在其中乃有九真之麟大
宛之馬黃支之犀條枝之鳥踰崑崙越巨海殊方異類至
于三萬里其宮室也體象乎天地經緯乎陰陽據坤靈之
正位倣太紫之圓方樹中夫之華闕豐冠山之朱堂因瓌

頁府志卷六十六

六

材而究奇抗應龍之虹梁列芬楹以布翼荷棟桴而高鑿
雕玉璵以居楹裁金壁以飾瑤發五色之渥彩光爛明以
景彰於是左城右平重軒三階閨房周通門闕洞開列鐘
虞於中庭立金人於端闕仍增崖而衝闕臨峻路而啓扉
狗以離宮別寢承以崇臺閒館煥若列宿紫宮是環清涼
宜溫神仙長年金華玉堂白虎麒麟區宇若茲不可殫論
增盤霍鬼登降炤爛殊形詭制每各異觀乘茵步輦惟所
息宴後宮則有掖庭椒房后妃之室合歡增城安處常寧
芷若椒風披香發越蘭林蕙草鴛鴦飛翔之列昭陽特盛
隆乎孝成屋不呈材墻不露形裏以藻繡絡以綸連隋侯
明月錯落其閒金缸銜璧是為列錢翡翠火齊流耀含英

懸黎垂棘夜光在焉於是元墀卸砌玉階彤庭硬厥絲織
琳珉青熒珊瑚碧樹周阿而生紅羅颯纒綺組續紛精曜
華燭俯仰如神後宮之號十有四位窈窕繁華更盛迭貴
處乎斯列者蓋以百數左右庭中朝堂百寮之位蕭曹魏
邴謀謨乎其上佐命則垂統輔翼則成化流大漢之愷悌
盪亡秦之毒螫故令斯人揚和樂之聲作畫一之歌功德
著乎祖宗膏澤洽乎黎庶又有天祿石渠典籍之府命夫
惇誨故老名儒師傅講論乎六藝稽合乎同異又有承明
金馬著作之庭大雅宏達於茲爲羣元元本本殫見洽聞
啓發篇章校理祕文周以鈎陳之位衛以嚴更之署總禮
官之甲科羣百郡之廉孝虎賁賚衣闔尹閭寺陞戟百重

百詩卷六十六

七

各有典司周廬千列微道綺錯輦路經營修除飛閣自未
央而連桂宮北彌明光而亘長樂凌陞道而超西墉棍建
章而連外屬設壁門之鳳闕上觚稜而棲金爵內則別風
嶠曉眇麗巧而聳擢張千門而立萬戶順陰陽以開闔爾
乃正殿崔嵬層構厥高臨乎未央經駘盪而出馭娑洞枌
詣以與天梁上反宇以葢戴激日景而納光神明鬱其特
起遂偃蹇而上躋軼雲雨於大半虹霓迴帶於芬楣雖輕
迅與僞狡猶愕眙而不能階攀井幹而未半目眴博而意
迷舍櫺檻而卻倚若顛墜而復稽魂恍恍以失度巡迴塗
而下低既憊懼于登望降周流以徬徨步用道以縈紆又
杳篠而不見陽排飛闥而上出若遊日于天表似無依而

洋洋前唐中而後太液覽滄海之湯湯揚波濤於碣石激
神岳之嶽嶽濼瀛洲與方壺蓬萊起乎中央於是靈草冬
榮神木叢生巖峻峭崿金石崢嶸抗仙掌以承露擢雙立
之金莖軼埃竭之混濁鮮顛氣之清英騁文成之丕誕馳
五利之所刑庶松喬之羣類時遊從乎斯庭寔列仙之攸
館非吾人之所寧爾乃盛娛遊之壯觀奮泰武乎上囿因
茲以威戎夸敵耀威靈而講武事命荊州使起鳥詔梁野
而驅獸毛羣內闔飛羽上覆接翼側足集禁林而屯聚水
衡虞人修其營表種別羣分部曲有署罟網連絃籠山絡
野列卒周匝星羅雲布於是乘鑾輿備法駕帥羣臣披飛
廉入苑門遂繞鄠鄠歷上蘭六師發逐百獸駭彈震震爍

百詩卷六十六

八

爍雷奔電激草木塗地山淵反覆踪躡其十二三乃杓怒
而少息爾乃期門伏飛列刃鑽鏃要跌追蹤烏驚觸絲獸
駭值鋒機不虛倚弦不再控矢不單殺中必疊雙颯颯紛
紛紛繳相纏風毛雨血灑野蔽天平原赤勇士厲獲狝失
木豺狼懼竄爾乃移師趨險並蹈潛穢窮虎奔突狂兕觸
蹙許少施巧秦成力折持僞狡拔猛噬脫角挫脰徒搏獨
殺挾師豹拖熊螭曳犀犛頓象羆超洞壑越峻崖蹙嶄巖
鉅石墮松栢叢林摧草木無餘禽獸殄夷於是天子乃
登屬玉之館歷長楊之樹覽山川之體勢觀三軍之殺獲
原野蕭條目極四裔禽相鎮壓獸相枕藉然後收禽會衆
論功賜昨陳輕騎以行魚騰酒車以斟酌割鮮野食舉烽

命爵饗賜畢勞逸齊大輅鳴鑾容與徘徊集乎豫章之宇
臨乎昆明之池左牽牛而右織女似雲漢之無涯茂樹蔭
蔚芳草被隄蘭茝發色畦畦猗猗若摘錦與布繡燭耀乎
其陂鳥則元鶴白鷺黃鵠鴉鵲鴝鵒鳧鷖鴻鴈朝發
河海夕宿江漢沉浮往來雲集霧散於是後宮乘輅輅登
龍舟張鳳蓋建華旗祛繡帷鏡清流靡微風澹淡浮權女
謳歌吹震聲激越營厲天鳥羣翔魚窺淵招白鷗下雙鶴
掄文竿出比目撫鴻置御增繳方舟並鶩悅仰極樂遂乃
風舉雲搖浮遊溥覽前乘秦嶺後越九嶷東薄河華西涉
岐雍宮館所歷百有餘區行所朝夕儲不改供禮上下而
接山川究休祐之所用采遊童之謹謠第從臣之嘉頌於

西京賦卷之六

九

斯之時都都相望邑邑相屬國藉十世之基家承百年之
業士食舊德之名氏農服先疇之畝畝商修族世之所醫
工用高會之規矩祭乎隱隱各得其所若臣者徒觀迹於
舊墟聞之乎故老十分而未得其一端故不能徧舉也

西京賦

張衡

有憑虛公子者心參體快雅好博古學乎舊史氏是以多
識前代之載言於安處先生曰夫人在陽時則舒在陰時
則慘此牽乎天者也處沃土則逸處瘠土則勞此繫乎地
者也慘則渺於歡勞則福於惠能違之者寡矣小必有之
大亦宜然故帝者因天地以致化兆民承上教以成俗化
俗之本有與推移何以覈諸秦據雍而強周即豫而弱高

祖都西而秦光武處東而約政之興衰恒由此作先生獨
不見西京之事歟請為吾子陳之漢氏初都在渭之浹秦
里其朔實為咸陽左有峭函重險桃林之塞綴以二華巨
靈崩巖高掌遠蹠以流河曲厥跡猶存右有隴坻之隘隔
閩華戎岐梁沂雍陳寶鳴雞在焉於前則終南太一隆岫
崔峯隱嶙鬱律連岡乎嶧冢抱杜合鄠飲灃吐鎬爰有藍
田珍玉是之自出於後則高陵平原據渭踞涇澶漫靡迤
作鎮於近其遠則有九嶷甘泉涸陰沍寒日北至而含凍
此焉清暑爾乃廣衍沃野厥田上上寔惟地之奧區神臯
昔者大帝說秦穆公而觀之饗以鈞天廣樂帝有醉焉乃
為金策錫用此土而剪諸鵠首是時也並為疆國者有六

西京賦卷之六

十

然而四海同宅西秦豈不詭哉自我高祖之始入也五緯
相汁以旅于東并婁敬委輅幹非其議天啓其心人蒸之
謀及帝同時意亦有慮乎神祇宜其可定以為天邑豈伊
不虔思于天衢豈伊不懷歸于粉榆天命不滔疇敢以渝
於是量稱輪考廣袤經城滄營郭郭取殊裁於八都豈啓
度於往舊爾乃覽秦制跨周法狹百堵之側陋增九筵之
迫齋正紫宮於未央表曉闕於閭闔疏龍首以抗殿狀甍
我以岌業亘雄虹之長梁結芬橈以相接蒂倒茄於藻井
披紅葩之神猊飾華棖與璧瑤流景曜之輝睚雕楹玉碣
繡栴雲楣三階重軒鏤檻文槐右平左城青瑣丹墀刊
平堂設切厓陳坻嶠鱗朐棧譁囁嶮襄岸夷塗修路陵隄

重門襲固姦宄是防仰福帝君陽曜陰藏洪鐘萬鈞猛虜
趙趙負筍業而餘怒乃奮翅而騰驤朝堂承東溫調延北
西有玉臺聯以昆德嗟峨嵋業罔識所則若夫長年神僊
宣室玉堂麒麟朱鳥龍興含章譬衆星之環極叛赫戲以
輝煌正殿路寢用朝羣辟大厦耽耽九戶開闢嘉木樹庭
芳草如積高門有閔列坐金狄內有常侍謁者奉命當御
外有蘭臺金馬遞宿迭居次有天祿石渠校文之處重以
虎威章溝嚴更之署微道外周千廬內附衛尉八屯警夜
巡晝植緞懸厭用戒不虞後宮則昭陽飛翔增成合驪蘭
林披香鳳皇鸞羣窈窕之華麗嗟內顧之所觀故其館
室次舍采飾織綺裊以藻繡文以朱綠翡翠火齊絡以美

百府志卷之六

上

玉流懸黎之夜光綴隋珠以爲燭金肥玉階彤庭輝輝珊
瑚琳碧瑞珉璘琳珍物羅生煥若崑崙雖厥裁之不廣侈
靡踰乎至尊於是鈎陳之外閣道穹隆屬長樂與明光徑
北通乎桂宮命般爾之巧匠盡變態乎其中於是後宮不
移樂不徙懸門衛供帳官以物辦恣意所幸下輦成燕窮
年忘歸猶弗能徧現異日新殫所未見惟帝王之神麗懼
尊卑之不殊雖斯宇之既坦心猶憑而未摠思比象於紫
微恨阿房之不可廬覩往昔之遺館獲林光於秦餘處甘
泉之爽塏乃隆崇而宏敷既新作于迎風增露寒與儲胥
託喬基於山岡直帶霓以高居通天諺以竦峙徑百常而
莖擺上辯華以交紛下刻隋其若削翔鴨仰而不逮況青

鳥與黃雀伏橘檻而頰聽聞雷靈之相激柏梁既災越巫
陳方建章是經用厭火祥營宇之制事兼未央圓闕竦以
造天若雙碣之相望鳳鸞蕩於苑標咸迴風而欲翔闔闔
之內別風嚙峭何工巧之瑰瑋交綺飾以疏寮于雲霧而
上達狀亭亭以茗茗神明崛其特起并幹疊而百增時遊
極於浮柱結重欒以相承累層構而遂躋望北辰而高興
消零埃於中宸集重陽之清激瞰宛虹之長翥察雲師之
所憑上飛閣而仰眺正睹瑤光與玉繩將乍往而未半怵
悼悚而慙兢非都盧之輕趨孰能超而究升駟娑駘盪壽
真枯桀杓指承光睽眾庠儲增梓重琴鏐鏐列列反宇業
業飛檐轆轤流景內照引曜日月天采之宮寔開高闕旗

百府志卷之六

上

不脫局結駟方斬樑輻輳鶩容於一扉長廊廣庶途閣雲
曼閉庭詭異門千戶萬重闔幽闔轉相踰延望海窳以徑
廷眇不知其所返既乃珍臺蹇產以極壯塏道遞倚以正
東似閭風之遐坂橫西沍而絕金墉城尉不弛柝而內外
潛通前開唐中彌望廣濶顧臨太液滄池泝沆漸臺立於
中央赫叩叩以宏敞清淵洋洋神山峩峩列瀛洲與方丈
夾蓬萊而駢羅上林岑以壘隼下嶄巖以崑崙長風激於
別隣起洪濤而揚波浸石菌於重涯濯靈芝以朱柯海若
遊於元清鯨魚失流而蹉跎於是采少君之端信庶樂大
之貞固立修葺之仙掌承雲表之清露屑瓊漿以朝殫必
性命之可度美往昔之松喬要羨門乎天路想升龍於鼎

湖豈時俗之足慕若歷世而長存何遠營乎陵墓徒觀其
城郭之制則旁開三門參塗夷庭方軌十二街衢相經屢
里端直薨宇齊平北闕甲第當道直啟程巧致功期不隨
侈木衣綈錦土被朱紫武庫禁兵設在蘭綺匪石匪董疇
能宅此爾乃廓開九市通閩帶閩旗亭五重俯察百隧周
制大胥今也惟尉瓌貨方至烏集鱗萃鬻者兼應求者不
賈爾乃商賈百族裨販夫婦鬻良雜苦虫眩邊鄙何必昏
於作勞邪羸優而足恃彼肆人之男女麗美奢乎許史若
天翁伯濁質張里之家擊鐘鼎食連騎相過東京公侯壯
何能加都邑游俠張趙之倫齊志無忌擬跡田文輕死重
氣結黨連羣冠蕃有徒其從如雲茂陵之原陽陵之朱趙

西府志卷六

三

悍虓豁如虎如狙睚眦藎芥屍僵路隅丞相欲以贖子罪
陽石汗而公孫誅若其五縣遊麗辯論之士街談巷議彈
射臧否剖析毫釐孽肌分理所好生毛羽所惡成瘡疔郊
甸之內鄉邑殷賑五都貨殖既遷既引商旅聯榻隱隱展
展冠帶交錯方輅接軫封畿千里統以京尹郡國宮館百
四十五右極蓋屋并卷鄧鄧左暨河華遂至號土上林禁
苑跨谷彌阜東至鼎湖邪界細柳掩長楊而聯五柞繞黃
山而歛牛首綠垣綿聯四百餘里植物斯生動物斯止衆
鳥翩翩羣獸駉駉散似驚波聚似京峙伯益不能名隸首
不能紀林麓之饒于何不有木則樅栝櫻柟梓械楓楓嘉
卉灌叢蔚若鄧林鬱蒨葳蕤藹藹參吐葩殿榮布葉垂

陰草則葳莎菅蒯薇蕨芴芴芻茵臺戎葵懷羊萃尊蓬
茸滿阜被岡篠簞敷衍編町成篁山谷原隰泱泱無疆迺
有昆明靈沼黑水元趾周以金堤樹以柳杞豫章珍館揭
焉中峙牽牛立其左織女處其右日月於是乎出入象扶
桑與濛汜其中則有龜鼉巨鼈鯢鯢鯢鯢鯢鯢鯢鯢鯢
短項大口折鼻詭類殊種鳥則鵠鷓鴣鴉鴉鴉鴉鴉鴉上春
候來季秋就溫南翔衡陽北棲鴈門奮隼歸鳧沸卉翦旬
眾形殊聲不可勝論於是孟冬作陰寒風肅殺雨雪飄飄
水霜慘烈百卉具零剛蟲搏擊爾乃振天維行地絡蕩川
瀆簸林薄鳥畢駭獸咸作草伏木棲寓居穴託起彼集此
霍繹紛泊在於靈囿之中前後無有垠鏗虞人掌焉爲之

西府志卷六

西

營城焚萊平場柞木翦棘結且百里迹杜蹊塞鹿麋麋
駢田偃仄天子乃駕彫軫六駿駿戴翠帽倚金較璿弁玉
纓遺光儵燦建元弋樹招搖樓鳴鳶曳雲梢弧旌枉矢虹
旃蜺旄華蓋承辰天畢前驅千乘雷動萬騎龍趨屬車之
鑿載猱猱猱猱唯翫好乃有秘書小說九百本自虞初從
容之求定俟定儲於是蚩尤秉鉞奮鬣被般禁御不若以
知神姦螭魅魍魎莫能逢旃陳虎旅於飛廉正壘壁乎上
蘭結部曲整行伍燎京薪賦雷鼓縱獵徒赴長莽迺卒清
候武士赫怒緹衣鞞鞞唯肝拔扈光炎燭天庭雷聲震海
浦河涓爲之波盪吳嶽爲之墮堵百禽悽遽駭瞿奔觸喪
精亡魂失歸忘趨投輪關輻不遑自過飛罕浦箭流鎬擣